

亥21

3-13x10

圖經衍義本草

十



圖經衍義本草卷之二十三

君三

圖經衍義本草卷之二十三

君四

上海商務印書館五洲大藥房



圖經辨義本草卷之二十三

上海涵芬樓影印正統道藏本

圖經辨義本草卷之二十二



圖經衍義本草卷之二十二

君三

宋通直郎辨驗藥材冠宗與編集

宋太醫助教辨驗藥材許洪校正

木部中品

桑根白皮



桑根白皮

味甘寒無毒主傷中五勞六極羸

瘦崩中脉絕補虛益氣去肺中水氣唾血熱
渴水腫腹滿臚脹利水道去寸白可以縫金
瘡採無時出土上者殺人續斷麻子桂心爲
之使○葉主除寒熱出汗汁解蜈蚣毒○桑

君三

耳味甘有毒黑者主女子漏下赤白汁血病
癥瘕積聚陰痛陰陽寒熱無子療月水不調
其黃熟陳白者止久洩益氣不飢其金色者
治癖飲積聚腹痛金瘡一名桑菌一名木麥
蜀本麥作切五木耳名樗音軟益氣不飢輕身強

圖經衍義本草

志生犍為山谷六月多雨時採即暴乾

圖經曰桑根白皮本經不著所出州土今處處有之採無時不可用出土上者用東行根益佳或云木白皮亦可用初採得以銅刀剥去上下皮取其裏白切焙乾其皮中青涎勿使刮去藥力都在其上惡鐵及鉛不可近之桑葉以夏秋再生者為上霜後採之煮湯淋滌手足去風痺殊勝桑耳一名桑黃有黃熟陳白者又有金色者皆可用碎切酒煎主帶下其實堪有白黑二



卷二十二

種暴乾皆主變白髮皮上白鮮花亦名桑
花狀似地錢刀削取炒乾以止衄吐血等
其柴燒灰淋汁醫家亦多用之桑上有蟲
主暴心痛金瘡肉生不足皮中白汁主小
兒口瘡傅之便愈又以塗金刀所傷燥痛
須臾血止更剥白皮裹之令汁得入瘡中
良冬月用根皮皆驗白皮作線以縫金瘡
腸出者更以熱雞血塗上唐安金藏剖腹
用此法便愈仙經云一切仙藥不得桑煎
不服出抱朴子本方

君三

二



陶隱居云東行桑根乃易得而江邊多出
土不可輕信桑耳斷穀方云木樗又呼爲
桑上寄生此云五木耳而不顯四者是何
木按老桑樹生燥耳有黃者赤白者又多
雨時亦生軟濕者人採以作菹皆無復藥
用

陳藏器云桑葉汁主霍亂腹痛吐下冬月
用乾者濃煮服之研取白汁合金瘡又主
小兒吻瘡細剉大釜中煎取如赤糖去老
風及宿血葉掇者名雞桑最堪入用樸利



五藏關節通血氣久服不飢多收暴乾擣末蜜和爲丸每日服六十九變白不老

禹錫云按藥性論云桑白皮使平能治肺氣喘滿水氣浮腫主傷絕利水道消水氣虛勞客熱頭痛內補不足○桑耳使一名

君三

三

桑巨又名桑黃味甘辛無毒能治女子崩中帶下月閉血凝產後血凝男子疝癖兼療伏血下赤血

孟詵云桑根白皮煮汁飲利五藏又入散用下一切風氣水氣又桑葉炙煎飲止渴



如茶法

日華子云桑白皮溫調中下氣益五藏消痰止渴利大小便開胃下食殺腹藏蟲止霍亂吐瀉此即山桑根皮○又云桑耳溫微毒止腸風瀉血婦人心腹痛

雷公曰凡使六年已上向東畔嫩根採得後銅刀剝上面黃薄皮一重只取第二重白嫩青涎者於槐砧上用銅刀剝了焙令乾勿使皮上涎落涎是藥力此藥惡鐵并鉛也



聖惠方治大風頭面髭髮脫落以桑柴灰
熱湯淋取汁洗頭面以大豆水研取漿解
澤灰味彌佳次用熟水入菴豆麴濯之取
淨不過十度良三日一沐頭一日一洗面
外臺秘要方治偏風及一切風桑樹枝剉
一大升用今年新嫩枝以水一大斗煎取
二大升夏用井中沉恐酢壞每日服一盞
空心服盡又煎服終身不患偏風若預防
風能服一大升佳○又方五痔以桑耳作
羹空心下飮飽食之日三食之待孔卒痛



如烏啄取大小豆各一升合搗作兩囊蒸之及熱更互坐之即瘥

千金方治口瘡白漫漫取桑樹汁先以髮拭口次以汁傳之

肘後方治人少小鼻衄小勞輒出桑耳無

君三

四

多少熬令焦擣末每衄發以杏人塞鼻數度可

葛氏方卒小便多消渴入地三尺取桑根剝取白皮炙令黃黑剉以水煮之令濃随意飲之亦可內少米勿入鹽○又方產後



下血不止炙桑白皮煮水飲之

梅師方治水腫坐卧不得頭面身體悉腫
取東引花桑枝燒灰淋汁煮赤小豆空心
食令飽飢即食盡不得喫飯○又方治金
瘡止痛取桑柴灰研傅瘡上佳

經驗方治欬嗽甚者或有吐血殷鮮桑根
白皮一斤米泔浸三宿淨刮上黃皮剉細
入糯米四兩焙乾一處擣爲末每服米飲
調下一二錢

經驗後方治肺毒瘡如大風疾綠雲散桑



葉好者淨洗熟蒸一宿後日乾爲末水調

二錢

廣濟方治瀉血不止桑耳一大兩熬令黑
水一大升三合煎取六大合去滓空心分
溫三服

第三

錢相公方治蜈蚣及蜘蛛毒取桑白皮汁

五

傳之效

子母秘錄方治落胎下血不止以桑木中
蝎虫燒末酒服方寸七日二服
仙方桑椹熟時收之日乾爲末蜜丸桐子



大空心酒服四十九丸長服之良

衍義曰桑根白皮條中言桑之用稍備然
獨遺烏椹桑之精英盡在於此採摘微研
以布濾去滓石器中熬成稀膏量多少入
蜜再熬成稠膏貯瓷器中每抄一二錢食
後夜卧以沸湯點服治服金石發熱湯生
精神及小腸熱性微涼

竹葉



竹葉

箠竹葉

謹箠音

味苦平大寒無毒主欬逆

上氣溢筋急惡瘍殺小蟲除煩熱風痺喉痺

嘔吐○根作湯益氣止渴補虛下氣消毒汁

主風痙實通神明輕身益氣生益州○淡竹

葉味辛平大寒主胃中痰熱欬逆上氣○瀝

大寒療暴中風風痺胃中大熱止煩悶○皮

茹微寒主嘔哕溫氣寒熱吐血崩中溢筋○



苦竹葉及瀝療口瘡目痛明目利九竅○竹

筍蜀本作
諸筍

味甘無毒主消渴利水道益氣可

久服

圖經曰箐竹淡竹苦竹本經並不載所出

州土今處處有之竹之類甚多而入藥者

第三

六

惟此三種人多不能盡別謹按竹譜箐字

音斤其竹堅而促節體圓而質勁成白如

霜大者宜刺船細者多用桂竹作苗者有

一種亦不名箐竹苦竹亦有二種一種出

江西及閩中本極羸大筍味甚苦不可散

